



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU „HRVATSKE SELJAČKE STRANKE-BRAĆA RADIĆ“ BRČKO DISTRIKT BIH

Broj: 03-07-6-753/19
Sarajevo, 23.04.2020. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja „Hrvatske seljačke stranke-Braća Radić“ Brčko distrikt BiH za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom finansijskog izvještaja za 2018. godine, utvrđeno je da je „Hrvatska seljačka stranka-Braća Radić“ Brčko distrikt BiH prekršila odredbe člana 4. stav (1), člana 5. stav (4), člana 11. stav (1), i člana 12. stav (1), (4) i (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja „Hrvatske seljačke stranke-Braća Radić“ Brčko distrikt BiH za 2018. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja „Hrvatska seljačka stranka-Braća Radić“ Brčko distrikt BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	19.548,39	100,00
8.	Prihodi od propagande (3-g)	0,00	0,00
I	Ukupni prihodi (1-8)	19.548,39	100,00
II	Ostali prihodi i drugo	0,00	0,00
	Izvori finansiranja (I+II)	19.548,39	100,00

U godišnjem finansijskom izvještaju stranka je iskazala rashode u iznosu od 11.912,69 KM.

2. PREDSTAVLJANJE POLITIČKE STRANKE

Naziv političke stranke je „Hrvatska seljačka stranka-Braća Radić“ Brčko distrikt BiH. Skraćeni naziv je „HSS -Braća Radić“ Brčko distrikt BiH.

Politička stranka je upisana u registar kod Osnovnog suda Brčko distrikta BiH, Rješenjem broj: 096-0-F1-16-000046 od 11.05.2016. godine.

Sjedište političke stranke je u Brčko distriktu BiH, ulica Ive Andrića bb.

Lica ovlaštena za zastupanje „HSS -Braća Radić“ Brčko distrikt BiH su Ivan Krndelj, predsjednik i Ivo Anđelović zamjenik predsjednika stranke.

Lice ovlašteno za finansijske izvještaje za 2018. godinu je Joka Đurić.

U godišnjem finansijskom izvještaju za 2018. godinu politička stranka je konstatovala da ima niže nivoe organizovanja, a u organizacionoj strukturi je navela samo Predsjedništvo stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj „Hrvatske seljačke stranke - Braća Radić“ Brčko distrikt BiH za 2018. godinu.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja „Hrvatske seljačke stranke - Braća Radić“ Brčko distrikt BiH, je ograničen, obzirom da politička stranka na zahtjev Centralne izborne komisije BiH nije dostavila dodatnu finansijsku dokumentaciju, pa isti obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Kontrola finansijskog izvještaja političke stranke „Hrvatska seljačka stranka - Braća Radić“ Brčko distrikt BiH obavlja se prvi put.

Politička stranka nije podnijela finansijske izvještaje za 2016. i 2017. godinu. Radi nepodnošenja izvještaja za 2016. godinu, politička stranka je odlukom Centralne izborne komisije BiH, broj: 03-07-6-32/18 od 24.05.2018. godine sankcionisana novčanom kaznom. Osim što nije podnijela finansijski izvještaj za 2017. godinu politička stranka je revizorima Službe za reviziju finansiranja političkih stranaka uskratila pristup svojim prostorijama radi obavljanja revizije njenog poslovanja. Radi navedenih prekršaja u 2017. godini Centralna izborna komisija BiH je, u skladu sa odredbom iz člana 10. stav (8) Zakona o finansiranju političkih stranaka, odlukom broj: 05-1-07-6-388/19 od 14.11.2019. godine političkoj stranci izrekla administrativnu mjeru kojom joj se uskraćuje pravo da se kandiduje na narednim izborima.

5. NALAZI I PREPORUKE

5.1 NALAZI

a) „Hrvatska seljačka stranka-Braća Radić“ Brčko distrikt BiH je prekršila odredbe člana 4. stav (1) Zakona o finansiranju političkih stranaka¹.

Stranka je sredstva, koja je ostvarila iz budžeta Brčko distrikta BiH, trošila bez programa utroška sredstava.

Uvidom u finansijski izvještaj utvrđeno je da je stranka ostvarila troškove u iznosu od 11.912,69 KM, od kojih su: troškovi zastupanja u iznosu od 4.250,00 KM, troškovi drugih lica u iznosu od 3.400,00 KM, troškovi promidžbe u iznosu od 902,00 KM, troškovi reprezentacije u iznosu od 923,35 KM, troškovi telefona 999,77 KM i drugi troškovi vezani za poslovanje stranke u iznosu od 1.437,57 KM.

Na osnovu navedene strukture troškova, a u nedostatku dodatne finansijske dokumentacije, koju stranka na zahtjev Centralne izborne komisije BiH nije dostavila, nije moguće utvrditi da je sredstva utrošila isključivo za ostvarivanje ciljeva utvrđenih njenim programom i statutom.

Obzirom da je sredstva utrošila bez programa utroška, stranka je prekršila odredbe člana 4. stav (1) Zakona o finansiranju političkih stranaka.

b) Politička stranka je prekršila odredbe člana 5. stav (4) Zakona o finansiranju političkih stranaka².

Stranka nije uspostavila evidenciju o nenovčanoj donaciji koju je ostvarila korištenjem bez naknade poslovnog prostora. U finansijskom izvještaju stranka nije iskazala trošak zakupnine, a

¹ U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

² Političke stranke dužne su voditi evidenciju o prijemu članarina i dobrovoljnih prihoda, te izdavati potvrde o prijemu članarina i dobrovoljnih priloga.

iskazala je troškove električne energije u iznosu od 502,19 KM i troškove komunalnih usluga u iznosu od 272,29 KM, što ukazuje na činjenicu da je koristila poslovni prostor. Obzirom da ne posjeduje vlastiti prostor, a nije plaćala zakupninu, stranka je ostvarila nenovčanu donaciju koju je bila obavezna prijaviti u finansijskom izvještaju.

c) „Hrvatska seljačka stranka-Braća Radić“ Brčko distrikt BiH je prekršila odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.

- (1) Politička stranka godišnji finansijski izvještaj za 2018. godinu nije podnijela u zakonom propisanom roku i na način kako je Centralna izborna komisija BiH propisala u članu 3. stav (1) Pravilnika o godišnjim finansijskim izvještajima političkih stranaka (u daljem tekstu: Pravilnik)³.

Uvidom u službene, evidencije utvrđeno je da je Centralnoj izbornoj komisiji BiH „Hrvatska seljačka stranka - Braća Radić“ Brčko distrikt BiH dostavila finansijski izvještaj 20.11.2019. godine i to samo u pisanoj formi, odnosno ručno popunjen.

Obzirom da politička stranka nije podnijela godišnji finansijski izvještaj u elektronskoj formi, putem aplikacije „FI CIK BIH“ i nije dostavila obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke, prekršila je odredbe člana 12. stav (4) Zakona o finansiranju političkih stranaka i odredbe člana 3. stav (1) Pravilnika.

- (2) Služba za reviziju je od političke stranke pisanim zahtjevom, broj: 03-07-6-753-2/19 od 29.11.2019. godine zatražila da dostavi dodatnu dokumentaciju za 2018. godinu i to: dokumentaciju o korištenju poslovnog prostora, bruto bilans političke stranke na dan 31.12.2018. godine, glavnu knjigu sa kompletnim analitičkim evidencijama za period 01.01. do 31.12.2018. godine, kopiju izvoda sa transakcijskog računa stranke u periodu od 01.01.2018. do 31.12.2018. godine, kopiju dokumentacije o troškovima drugih lica i troškovima zastupanja i program utroška sredstava za 2018. godinu.

Istim aktom politička stranka je obaviještena da je, u skladu sa odredbom iz članom 4. stav (2) Pravilnika o godišnjim finansijskim izvještajima političkih stranaka, uz finansijski izvještaj bila dužna dostaviti kopiju godišnjeg obračuna, ovjerenog od nadležne institucije (Završni račun za 2018. godinu ovjeren od strane Agencije za posredničke, informatičke i finansijske usluge – APIF). Obzirom da nije postupila po zahtjevu Centralne izborne komisije BiH, stranci je 25.12.2019. godine poslata urgencija za dostavu prethodno navedene finansijske dokumentacije.

Politička stranka ni nakon urgencije nije dostavila traženu finansijsku dokumentaciju i kopiju godišnjeg obračuna ovjerenog od nadležne institucije, čime je prekršila odredbe člana 12. stav (5) Zakona o finansiranju političkih stranaka.

- (3) Obzirom da „Hrvatska seljačka stranka-Braća Radić“ Brčko distrikt BiH nije dostavila izvode sa transakcijskog računa, kopiju poslovnih knjiga i kopiju završnog računa, nije moguće utvrditi da li je ostvarila i druge prihode, osim prihoda iz budžeta koje je u finansijskom izvještaju prijavila u iznosu od 19.548,39 KM⁴.

- (4) Stranka u finansijskom izvještaju nije prijavila prihod od nenovčane donacije po osnovu korištenja poslovnog prostora bez naknade, čime je prekršila odredbe člana 13. i 18. Pravilnika.

³ Politička stranka je bila dužna da godišnji finansijski izvještaj za 2018. godinu podnese do 31.03.2019. godine u elektronskoj formi, putem aplikacije „FI CIK BIH“, te da Centralnoj izbornoj komisiji BiH dostavi potvrdu o podnesenom finansijskom izvještaju u elektronskoj formi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke.

⁴ Skupština Brčko distrikta BiH je na zahtjev Centralne izborne komisije BiH dostavila podatke o isplata sredstva političkim subjektima u 2018. godini, u kome se navodi da su političkoj stranci „Hrvatska seljačka stranka-Braća Radić“ Brčko distrikt BiH isplaćena sredstva u iznosu od 19.548,39 KM.

Također, stranka nije prijavila ni trošak zakupnine, čime je prekršila odredbe člana 21. i 22. Pravilnika.

(5) U finansijskom izvještaju politička stranka, suprotno odredbama člana 24. Pravilnika, nije prijavila obaveze na dan 31.12.2018. godine.

Uvidom u službene evidencije, utvrđeno je da „Hrvatska seljačka stranka-Braća Radić“ Brčko distrikt BiH ima obavezu po osnovu neplaćene kazne u iznosu od 2.000,00 KM, koju je izrekla Centralna izborna komisija BiH, odlukom broj: 03-07-6-32/18 od 24.05.2018. godine.

Obzirom da nije uspostavila potpune evidencije o svojim prihodima, rashodima i obavezama, politička stranka je prekršila računovodstvene propise, odredbe člana 11. stav (1) i člana 12. stav (1) Zakona o finansiranju političkih stranaka⁵.

5.2 PREPORUKE

Preporučuje se „Hrvatskoj seljačkoj stranci-Braća Radić“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva osigurana za finansiranje političke stranke koristiti isključivo za ostvarivanje ciljeva utvrđenih svojim programom i statutom,*
- *da u finansijskom izvještaju prijavljuje sve priloge bez obzira na koji način ih ostvaruje,*
- *da uspostavi potpune i tačne evidencije o prihodima, rashodima i obavezama,*
- *da finansijske izvještaje podnosi u zakonom propisanim rokovima i na način utvrđen podzakonskim aktima Centralne izborne komisije BiH,*
- *da na zahtjev Centralne izborne komisije BiH dostavlja i drugu dokumentaciju koja se zatraži od političke stranke i*
- *da poštuje računovodstvene propise.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju, revizor

Mr.sc. Hasida Gušić

⁵ U skladu sa odredbama člana 11. stav (1) zakona o finansiranju političkih stranaka, politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom, odnosno računovodstvenim propisima. U skladu sa odredbama člana 12. stav (1) dužna je voditi evidencije o prihodima, rashodima i obavezama.